



## Universitätsbibliothek Paderborn

**Saxonia || Et || Metropolis || Alberti Crantzii || Historici  
Doctiss. Sacrae || Theologiæ & Iuris Canonici Doctoris |||  
celeberrimi, ac Ecclesiæ Ham-||burgensis quondam  
Decani**

**Krantz, Albert**

**Coloniae, 1574**

Capvt XXXIX.

**urn:nbn:de:hbz:466:1-11453**

**H**ic locus nobis diligenter attrectandus, quod pro multitudine comitum in Holſatia, & obscuritate annalium, non sat explicantium cuiusq<sup>3</sup> conditio nem, perplexitates aliquot enascuntur. Hic Gerhardus, qui rem gessit, de qua proximè filius erat I. Gerhardi, filium nihilominus & iste reliquit Gerhardum, cum aliquantis fratribus: qui tamen omnes ante virilem aetatem defecerunt, ita ut Gerhardus ille, relictis sacris, quibus erat initatus, & praepositura Lubicensi, quam tenebat, vxorem duxit, ex qua reliquit Iohannem filium: qui, vi literæ eius declarat, ab anno vicesimo ad tricesimum, & circa, supra millesimum & trecentesimum rem gerebat, in quo, quia prolem non reliquit, defecit linea Gerhardi. Gerhardus autem cæcus fratrem habebat Henricum, qui bellum in Thietmarsia infeliciter administrabat: & in compositione rerum, quæ interuenit, vxorem duxit de domo domicolorum de Brunckhorst, filiam fratris Gilberti archiepiscopi Bremensis: ex qua Henricus suscepit filios Gerhardum & Iohannem, quibus initio res tenuis erat. Ille autem Gerhardus, pro magnitudine rerum a se gestarum, cognomen Magni promeruit: initia verò fuere pusilla. Interim verò in Wagria dominatur Iohannes secundus, qui multis erat filiis oneratus, magis quam ornatus: Diuidebat cuiq<sup>3</sup> partem suā, ut haberent unde familiam alerent & iumenta. Nam alium prefecit in Todeslo, aliū in Zegeberge, alium in Bramhorst constituit rerum præsidem: Sic enim locum commemorat annales, incertū, si fortè per errorē pro Branstede Brāhorst designetur: Ipse Iohannes Kilonē inhabitat. Dum verò terra multis premeretur regentibus, singulorū ditio breuis, & prouentus erat tenuis. Inde fa-

ctum

ctum est, ut fert militare studium, quod ex indigentia  
rapacitas, & ex ea consurgit aduersitas: factumq; se-  
runt, ut Adolphus Iohannis filius, qui Zegeberg teneret,  
triturantes miserit in horrea cuiusdam militaris cogni-  
mento Splijt: cuius genus & nomen ad nostra tempora  
durauit: Ille impatiens iniurie, & irrogata in sua vio-  
lentiæ, triturantes correptos pedibus truncavit, remi-  
sitq; ad dominum mutilatos. Ex Thietmarsia, que ab  
olim commixtos habuit militares, à memoria comitum  
ibi præsidentium, familia de Reuentlow, sese in Hols-  
tiiam collocauit: in quam simul irrogata iniuria excita-  
uit virum in ea primarium Hartwicum, vt vindictam  
aliquandò meditaretur in Adolphum. Duplex indefa-  
ma est, quæ causa virum illum in tam atrox facinus im-  
pelleret. Commemorant nonnulli, Gerhardum comitem  
Henrici filium, eum qui cognomen Magni promeruit,  
tum Rendesborg habitasse, casella granaria, satis re-  
rum omnium inopem, qui præter venaticos canes nihil  
suum possideret: Nam adolescentie prima tempora  
in literis consumpsit, expectans hortatu auunculus ar-  
chiepiscopi Bremensis, aut episcopatum, aut magnam in  
ecclesia dignitatem. Cumq; auunculus eius defecisset,  
nec esset magnoperè, qui in Gerhardum respiceret, ille  
se in Rendesborg, venatione contentus, cōtinebat: Hart-  
wicus Reuentlow, vir primarius, comitis detestatus ne-  
gligentiam, quod à cunctis præteriretur, iumenta sua  
illi permisit & arma, vt comitis honore procederet in  
publicum. Cumq; accederet iniuria, quam Adolphus co-  
mes de Zegeberge intulisset Hartwico, meditatur ar-  
cem capere Gerhardus, quem rebus gerendis idoneum  
prospexit, in manus tradere. Igitur secreto calle, quem  
ille per declivia montis penè solus agnouit, nocturno si-  
lentio

lentio iter cum paucis ingreditur, & muris transiens,  
in arcem se recipit, Adolphumq; in loco quietis deprae-  
hensum capere committitur. Ille ex parte factus, gladium  
arripit, & in defensione virili capi non passus, ab inuito  
ceditur Hartwico: perinde arx capta traditur Gerhar-  
do. Adolescentulum, de more camerarium, Adolphus ha-  
buit eiusdem Hartwici filium, quem, ne proditor domini  
putaretur, pater necans coniunxit Adolpho: Amborum  
visuntur hodie in ecclesia monasterij monumenta.

## CAPVT XL.

**E**st & alia in eundem exitum aliorum narratio.  
Tradūt, Hartwicum memoratum Adolphi comi-  
tus fuisse arcis praefectum, cum omni familia demoran-  
tem in arce: In eum cùm Adolphus atrocem irrogasset  
iniuriam, oblitus fortè pudoris in eius coniugem, aut so-  
bolem: (res enim non satis explicatur: sed pro magnitu-  
dine facinoris, verisimile est, non vulgarem fuisse iniu-  
riam, cui tantam vir militaris impendisset vindictam)  
exulceratus Hartwicus, cùm doloris esset impatiens,  
primo manè fores pulsat cubantis comitis, properatu es-  
se opus, vidisse magnum ferarum gregem, quem facilè  
sit concludere indagine, si properet: Comitem tū ve-  
nationis per cupidum, reserasset fores, ingressum Hart-  
wicum confodisse nudulum, & illi, vt diximus, simili cæ-  
de iunisse proprium filium. Hac prima calamitas in fi-  
lio Iohannis comitis Wagriae: qui prouectioris etatis re-  
lictam Erici regis Daniae reginam, uxore defuncta, du-  
xit coniugem, ex qua sustulit filios, Christophorum atq;  
Iohannem Largum: (res enim obscura est, & in annali-  
bus non satis explicita) captum senem vel à filijs vel à  
militaribus Iohannem patrem tradunt è Bramhorst in  
Kilonem esse perductum, ibi q; diu tentum. Qua ex re  
ducor